



**REPUBLIKA E KOSOVËS**  
Republika Kosovo - Republic of Kosovo  
**ODA E FARMACISTËVE TË KOSOVËS**  
Komora Farmaceuta Kosova  
Kosova Chamber of Pharmacists



Republika e Kosovës  
Republika Kosovo - Republic of Kosovo

Oda e Farmacistëve të Kosovës  
Komora Farmaceuta Kosova  
Chamber of Pharmacists of Kosovo  
Nr.Br.No. 40 Dt. 08.08.19

## **RREGULLORE MBI PUNËN E ORGANEVE KOLEGJIALE TË ODËS SË FARMACISTËVE TË KOSOVËS**

Prishtinë, 2019

**KUVENDI I ODËS SË FARMACISTËVE TË KOSOVËS**, në mbështetje të nenit 19, paragrafi 1, nënparagrafi 4 të Ligjit për Odat e Profesionistëve Shëndetësorë Nr. 04/L-150 dhe nenit 20, paragrafi 1, nënparagrafi 3 të Statutit të Odës së Farmacistëve të Kosovës, në mbledhjen e mbajtur më datë 29/06/2019, nxjerrë këtë:

## **RREGULLORE MBI PUNËN E ORGANEVE KOLEGJIALE TË ODËS SË FARMACISTËVE TË KOSOVËS**

### **I. DISPOZITAT E PËRGJITHSHME**

#### **Qëllimi Neni 1**

Kjo rregullore përcakton mënyrën e punës së organeve kolegjiale në përputhje me Ligjin e Odave të Profesionistëve Shëndetësorë dhe Statutin e Odës së Farmacistëve të Kosovës, detyrat dhe përgjegjësitë e anëtarëve të organeve kolegjiale, thirrjen dhe mbajtjen e mbledhjeve, mënyrën e vendimmarrjes dhe votimit, si dhe çështjet të tjera përkatëse të organeve kolegjiale.

#### **Fushëveprimi Neni 2**

1. Me dispozitat e kësaj rregullore rregullohet aspekti procedural i mbledhjeve, thirrja e tyre, drejtimi, dhe vendimmarrja e organeve kolegjiale të OFK-së.
2. Puna e Kuvendit të Odës së Farmacistëve do të rregullohet me kapitull të veçantë në këtë rregullore.

#### **Përkufizimet Neni 3**

Termat e përdorur në këtë rregullore kanë këtë kuptim:

**OFK** – nënkupton Oda e Farmacistëve të Kosovës

**Organi** – nënkupton të gjitha organet kolegjiale të OFK-së

**Kryesuesi i mbledhjes** – nënkupton drejtuesin e mbledhjes së organit kolegjial

**Kourumi** – nënkupton numrin e nevojshme të anëtarëve pjesëmarrës për të mbajtur mbledhjen ose për vendosje

## **II. TË DREJTAT DHE PËRGJEGJËSITË E ANËTARËVE TË ORGANEVE KOLEGJIALE**

### **Neni 4**

1. Anëtarët e organeve të OFK-së kanë këto të drejta dhe përgjegjësi:
  - 1.1. Të jenë prezent në mbledhjet dhe të marrin pjesë në punën dhe marrjen e vendimit të tij;
  - 1.2. Të iniciojnë shqyrtimin e çështjeve nga fushëveprimtaria dhe të propozojnë që ato të vihen në rend të ditës;
  - 1.3. Në rast pengese për të marrë pjesë në mbledhje duhet paraprakisht ta njoftojnë kryesuesin dhe Shërbimin Profesional të Odës;
  - 1.4. Të propozojë ndryshimin e rendit të ditës në rast se mund të mblidhet material për atë mbledhje;
  - 1.5. T'i përmbahet rendit të ditës;
  - 1.6. Në rast se anëtari i organit mungon në tri mbledhje pa justifikim, kryesuesi mund t'i propozojë Këshillit Drejtues inicimin e shkarkimit të njëjtit dhe zgjedhjen e anëtarit të ri. Shkarkimi dhe zgjedhja e anëtarit të ri bëhet nga Kuvendi i OFK-së;
  - 1.7. T'i parashtrorë pyetje organit anëtar i së cilit është. Pyetja mund të parashtrorë gojarisht ose me shkrim. Nëse përgjigjja anëtarit nuk i jepet në mbledhjen e njëjtë të organit ose në rastet e parashtruara në mes dy mbledhjeve të organit, kryetari i organit ka për obligim që parashtruesit të pyetjes t'i japë përgjigje me shkrim më së largu 30 ditë nga dita e parashtrimit të pyetjes;
  - 1.8. Të marrë pjesë në mbledhjet e organeve të odës ku nuk është anëtar pa të drejtë vote;
  - 1.9. Anëtarëve të organeve për angazhimin e tyre dhe pjesëmarrjen në mbledhje u takon një kompensim lartësia e së cilës caktohet me vendim të Kuvendit të Odës së Farmacistëve.

### **Humbja e mandatit të anëtarit të Organit**

#### **Neni 5**

1. Anëtarët e organeve humbin mandatin e tyre para përfundimit të rregullt të mandatit në këto raste:
  - 1.1 Me dorëheqjen me shkrim të anëtarit;
  - 1.2 Me shkarkimin nga Kuvendi i OFK-së;
  - 1.3 Me shkarkimin nga njësia zgjedhore e cila e ka zgjedhur;
  - 1.4 Në rast të humbjes së statusit të anëtarit të OFK-së;
  - 1.5 Në rast të dënimit me vendim të plotfuqishëm të gjykatës;
  - 1.6 Me vdekjen e anëtarit të OFK-së.

### III. MBLEDHJET E ORGANEVE KOLEGJIALE

#### Mbledhjet/Kourumi

#### Neni 6

1. Mbledhjet e organit i thërret dhe kryeson kryesuesi i organit.
2. Organet kolegjiale drejtohen nga kryesuesi i mbledhjes, i cili është kryetar i organit kolegjial i zgjedhur nga Kuvendi i OFK-së.
3. Në mungesë të kryetarit të organit, mbledhjen e kryeson zv. kryetari apo personi i autorizuar nga kryetari i organit.
4. Kryesimin e mbledhjeve të Këshillit Drejtues dhe Kuvendit të OFK-së e bën Kryetari i OFK-së sipas detyrës zyrtare.
5. Ftesa për mbajtjen e mbledhjes së organit i dërgohet anëtarëve të organit jo më vonë se dy (2) ditë para mbledhjes. Ftesa dërgohet me shkrim, e-mail apo në çfarëdo forme të informimit me të cilin ftesa arrin te anëtarët e organeve.
  - a. Ftesa anëtarëve të Kuvendit për mbledhje i dërgohet jo më vonë se 7 ditë para mbajtjes së mbledhjes.
6. Organet kolegjiale mbajnë mbledhje së paku një herë në tre muaj. Përjashtimisht:
  - a. Këshilli Drejtues mblidhet së paku një herë në muaj.
  - b. Kuvendi i OFK-së mban së paku tri takime të rregullta në vit.
  - c. Këshilli Mbikëqyrës së paku një herë në muaj.
7. Organet kolegjiale mbajnë takime jashtë paragrafit 5, nëse ka kërkesa nga palët të cilat janë në fushëveprim të organit.
8. Njoftimin mbi kërkesën e palëve e bën Shërbimi Profesional i OFK-së jo më vonë se ditën e nesërme të paraqitjes së kërkesës.
9. Mbledhjet e mbajtura jashtë paragrafit 5 dhe 6, mbahen me miratim të Këshillit Drejtues si përgjegjës për koordinimin e punës në mes të organeve të OFK-së sipas ligjit për Odat e Profesionistëve Shëndetësorë dhe statutit të OFK-së.
10. Pikat e rendit të ditës përcaktohen nga kryetari i organit kolegjial.

11. Kuorumi i nevojshëm për mbajtjen e mbledhjeve të organeve kolegjiale është pjesëmarrje e së paku 3 anëtarëve, me përjashtim të:
  - a. Kuvendi i OFK-së, kourumi 30 anëtarë.
  - b. Këshilli Drejtues, kourumi 6 anëtarë.
  - c. Këshilli Mbikëqyrës dhe Gjyqi i Nderit, kourumi 4 anëtarë.
  - d. Prokurori, kourumi 2 anëtarë.
12. Organi kolegjial ka të drejtë në çfarëdo kohe t'i propozojë Këshillit Drejtues të ftojë në mbledhje ekspertë ose persona të tjerë me qëllim të sqarimit të çështjeve profesionale të domosdoshme që kërkojnë vendimmarrje nga organi.

### **Mbledhjet e jashtëzakonshme**

#### **Neni 7**

1. Këshilli Drejtues thërret mbledhjet e jashtëzakonshme me kërkesën e së paku 50%+1 të anëtarëve të organeve të OFK-së, brenda 5 ditëve nga parashtrimi i kërkesës, me përjashtim të mbledhjeve të Kuvendit. Ftesa për mbledhje të jashtëzakonshme dërgohet së paku 48 orë para mbajtjes së saj. Parashtruesit e kërkesës duhet të përcaktojnë çështjet që kërkojnë të diskutohen.

### **Pjesëmarrja në mbledhje**

#### **Neni 8**

1. Si rregull, mbledhja e organit kolegjial mbahet me prezencën fizike të anëtarëve. Me pëlqimin e shumicës së të gjithë anëtarëve, mbledhja mund të mbahet dhe me pjesëmarrjen e anëtarëve nëpërmjet videokonferencës apo me mjete të tjera të përshtatshme të komunikimit simultan në distancë.
2. Para se të fillojë mbledhja e organit, anëtarët do të nënshkruhen në listën e pjesëmarrjes e cila i bashkëngjitet procesverbalit, në rast të pjesëmarrjes së anëtarit me videokonferencë nënshkrimin e pjesëmarrjes e bën në mbledhjen e radhës.
3. Anëtari i organit mund të mungojë nga mbledhja për shkaqe të arsyeshme. Për mosardhje në mbledhje anëtari duhet ta njoftojë me kohë kryesuesin.
4. Anëtarët e organeve obligohen që të paralajmërojnë konfliktin e interesit, sipas dispozitave ligjore në fuqi, dhe të tillët duhet të tërhiqen nga vlerësimi dhe vendimmarrja në rastet e tilla. Konflikti i interesit sipas kësaj Rregulloreje konsiderohet definimi dhe përcaktimi i paraparë me Ligjin Nr. 06/L – 011, për Parandalimin e Konfliktit të Interesit në Ushtrimin e Funksionit Publik.

**Ecuria e mbledhjes**  
**Neni 9**

1. Kryesuesi e hap, e kryeson, e ndërprejë dhe e përfundon mbledhjen.
2. Për përgatitjen e materialeve për mbledhjen e organeve kujdeset kryesuesi i mbledhjes dhe Shërbimi Profesional i OFK-së.
3. Në fillimin e mbledhjes, kryesuesi e verifikon kuorumin.
4. Pas verifikimit të kuorunit, kryesuesi përcakton procesmbajtësin e takimit.
  - a. Procesverbalet e Këshillit Drejtues mbahen nga Sekretari i OFK-së.
  - b. Procesverbalet e Kuvendit mbahen nga asistenti/ja administrative e OFK-së.
5. Kryesuesi propozon rendin e ditës. Hap diskutimin rreth rendit të ditës dhe pas përfundimit të diskutimeve propozimet i hedh në votim dhe konstaton miratimin apo mosmiratimin e rendit të ditës.
6. Anëtarët e organeve kanë të drejtë të propozojnë plotësimin dhe ndryshimin e rendit të ditës, nëse është e mundur që për këtë ndryshim të sigurohen materialet e nevojshme për diskutim.
7. Anëtarët e organit, pas miratimit të rendit të ditës, duhet të zhvillojnë punimet sipas rendit të miratuar.
8. Raportin dhe arsyetimin rreth secilës pikë të rendit të ditës e paraqet kryesuesi pas të cilit ai e hap diskutimin.
9. Kryesuesi i jep fjalën në kohëzgjatje prej 5 minutave diskutuesit për të diskutuar mbi temën në trajtim, për aq kohë sa diskutuesi nuk ka dalë jashtë rendit të ditës, nuk përdorë fjalor jointitucional, fyes apo denigruës si dhe për aq kohë sa nuk përsërit propozimet e thëna njëherë.
10. Kryesuesi i organit, në rast të prishjes së rendit dhe qetësisë, anëtarit të organit mund t'i shqiptojë këto masa:
  - a. Vërejtjen,
  - b. Ndërprerjen e diskutimit,
  - c. Largimin nga mbledhja,
  - d. Humbja e mëditjes nga anëtarët.

11. Kryesuesi e jep fjalën sipas radhës së paraqitjes për diskutim, si dhe përkujdeset për racionalizimin e kohës gjatë shqyrtimeve dhe diskutimeve.
12. Kryesuesi në rastet kur anëtari kërkon fjalën për herë të dytë brenda diskutimit për pikën e njëjtë të ditës, redukton diskutimin e tij në kohëzgjatje prej 2 minutave për shkak të mbarëvajtjes kohore të mbledhjes.
13. Anëtari i organit emri i të cilit është përmendur gjatë diskutimit ka të drejtë në replikë në kohëzgjatje prej 3 minutave.
14. Anëtari i organit ndaj diskutimit të të cilit është replikuar ka të drejtën e kundëreplikës në kohëzgjatje prej 1 minute.
15. Organi kolegjal në bazë të propozimit të kryesuesit apo të ndonjë anëtari, mund të vendosë që shqyrtimi për disa çështje specifike të ndërpritet dhe të përgatitet më hollësisht për mbledhjen e ardhshme.
16. Kryesuesi ka të drejtë ta ndërpresë mbledhjen nëse ai konstaton se nuk ka kushte normale për mbajtjen e mbledhjes.
17. Këshilli Drejtues është përgjegjës dhe kujdeset për respektimin dhe interpretimin e Rregullores së Punës.

#### **IV. VENDIMMARRJA DHE TRANSPARENCA**

##### **Kourumi i vendimmarrjes**

##### **Neni 10**

1. Organet mund të vendosin për pikat e rendit të ditës vetëm nëse ka kourum për mbajtjen e mbledhjes.
2. Para se të votohet për një çështje, kryesuesi e formulon propozimin e vendimit ose të kërkesës lidhur me atë pikë të rendit të ditës.
3. Vendimmarrja në organe bëhet me vota të hapura. Vendimmarrja me vota të fshehta mund të bëhet përjashtimisht në rastet kur për këtë formë votojnë më shumë se gjysma e anëtarëve prezentë në mbledhje.
  - a. Statuti i OFK-së miratohet dhe ndryshohet me vendim të 2/3 të anëtarëve të përgjithshëm të Kuvendit (39 Vota).

4. Votimi bëhet: “për”, “kundër” dhe “abstenim”.
5. Vendimet e organit kolegjal mund të miratohen edhe me një procedurë qarkulluese, në rast se asnjë anëtar nuk shpreh kundërshti. Procedura qarkulluese, sipas këtij paragrafit, është procedura e votimit, në të cilën anëtarët votojnë individualisht, me shkrim, pa qenë e nevojshme mbledhja e organit kolegjal.
6. Vota e anëtarëve të organeve është e barabartë dhe vendimi konsiderohet i aprovuar nëse për të kanë votuar më shumë se gjysma e anëtarëve prezentë në mbledhjen e organit.
7. Në rast barazie të votave, vota e kryesuesit është vendimtare, përveçse kur ai ka një pengesë ligjore për të votuar sipas ligjit. Barazia e votave do të vlerësohet si rrëzim i propozimit.
8. Vota e anëtarëve të organeve nuk mund të delegohet.

### **Transparenca Neni 11**

1. Mbledhjet e organeve janë të hapura për opinionin.
2. Organet mund të vendosin për përjashtimin e opinionit nga i tërë takimi apo nga një pjesë e tij, në rast kur takimi i hapur kërcënon të zbulojë informacione të cilat janë të klasifikuara si të besueshme sipas ligjit mbi qasjen në dokumente zyrtare si dhe informacione të ndjeshme personale dhe komerciale.
3. Kërkesa për pjesëmarrje në mbledhjet e organeve duhet të bëhet me shkrim 36 orë para mbajtjes së mbledhjes, me qëllim të organizimit të hapësirës ku do të mbahet mbledhja. Kërkesa për pjesëmarrje miratohet nga Këshilli Drejtues.
4. Njoftimi për mbajtjen e takimit të Kuvendit të OFK-së do të publikohet në ueb faqen e OFK-së.

### **Raportimi i organeve Neni 12**

1. Organet paraqesin raportet periodike të punës së paku një herë në muaj në Këshillin Mbikëqyrës.
2. Raportet e miratuara të punës së organeve nga Këshilli Drejtues paraqiten nga Kryetari i OFK-së në Raportin vjetor të punës së OFK-së në Kuvend.



3. Organet paraqesin edhe planifikimin e punës për vitin e ardhshëm në Këshillin Drejtues.
4. Komunikimi përmes organeve bëhet nëpërmjet Këshillit Drejtues.

### **Procesverbalet Neni 13**

1. Në secilën mbledhje mbahet një procesverbal, në të cilin përfshihen:
  - 1.1. Data dhe vendi i mbledhjes;
  - 1.2. Anëtarët që morën pjesë;
  - 1.3. Çështjet që u diskutuan dhe pretendimet e anëtarëve;
  - 1.4. Vendimet që u morën; si dhe
  - 1.5. Forma dhe rezultati i votimeve.
2. Anëtarët e organit kolegjal mund të kërkojnë që vota kundër e tyre dhe arsyetimi përkatës të përfshihet në procesverbal.
3. Procesverbali paraqitet për miratim në fund të mbledhjes përkatëse ose në fillim të mbledhjes pasuese. Para miratimit kryesuesi i jep mundësinë anëtarëve t'i shprehin vërejtjet e tyre lidhur me procesverbalin. Nëse ndaj vërejtjeve të shprehura paraqiten kundërshtime nga anëtari tjetër, kundërshtimi i tillë do të konstatohet në procesverbal. Në rast të vërejtjeve kryesuesi e hedh në votim procesverbalin së bashku me vërejtjet e dhëna. Pas miratimit, procesverbali nënshkruhet së bashku nga kryetari dhe anëtari që ka mbajtur procesverbalin.

## **V. MBLEDHJA KONSTITUIVE E ORGANEVE**

### **Mbledhja konstituive e Kuvendit Neni 14**

1. Mbledhjen konstituive e thërret Kryetari i OFK-së nga mandati i kaluar jo më larg se 30 ditë nga certifikimi i rezultatit zgjedhor.
  - a) Në rast të rikandidimit ose të refuzimit të Kryetarit të OFK-së nga mandati i kaluar edhe për një mandat mbledhjen konstituive e thërret Kryetari i Komisionit Qendror të Zgjedhjeve.
2. Kryesimin e mbledhjes së Kuvendit deri në zgjedhjen e Kryetarit të Odës e bën Kryetari i OFK-së nga mandati i kaluar.

- a) Në rast të rikandidimit ose të refuzimit të Kryetarit të OFK-së nga mandati i kaluar edhe për një mandat, mbledhjen konstituive e kryeson anëtari më i vjetër i kuvendit.

**Betimi i anëtarëve të Kuvendit  
Neni 15**

Pas verifikimit të mandateve, anëtarët e Kuvendit betohen solemnisht. Teksti i deklaratës është:  
*“Unë, anëtari i Kuvendit të Odës të Farmacistëve të Kosovës, betohem se me nder e me përkushtim do ta kryej detyrën time dhe do të përfaqësoj me dinjitet interesat profesionale të anëtarëve të odës, promovoj dhe mbroj veprimtarinë profesionale shëndetësore dhe do të kontribuojë në përmirësimin e cilësisë së kujdesit shëndetësor”. Betohem!*

**Mbledhja konstituive e organeve të tjera  
Neni 16**

1. Mbledhjen konstituive e thërret kryetari i organit nga mandati i kaluar jo më larg se 30 ditë nga zgjedhja e organit.
  - a) Në rast se takimi nuk thirret nga kryetar i organit nga mandati i kaluar, takimin e thërret kryetari i ri i komisionit.

**VI. DISPOZITAT PËRFUNDIMTARE**

**Hyrja në fuqi  
Neni 17**

Me hyrjen në fuqi të kësaj rregullore shfuqizohen të gjitha dispozitat e rregulloreve të tjera të cilat janë në kundërshtim me këtë rregullore.  
Kjo rregullore hyn në fuqi ditën e miratimit nga Kuvendi.

**Prishtinë 29/06/2019**

**Kryesuesi i Kuvendit të OFK-së  
Dr.sc. Ariani Jalilaj**

